



國立文獻館藏

范道濟點校

查慎行全集

第三冊

中華書局



范道濟
點校

查慎行全集

第三册

中華書局

壬申紀游

目 録

壬申紀游	五
正月	五
二月	四
三月	四

四月	八四
五月	一〇〇
六月	一一九
七月	一三六

壬申紀游

目録

壬申紀游	五
正月	五
二月	四
三月	六

四月	八
五月	〇
六月	九
七月	六

壬申紀游_(一)

他山查嗣璉

正月

廿一

束裝出門。自去年七月得朱恒齋太守札，即擬作廬山之游，時方□先人葬域，汲汲過歲，今始成行。午後設奠畢，遂登舟，夜泊硤石鎮，已過元宵六日，而市人好事者競作燈會。同德尹步入西寺，與僧澹然茶話。月上，返舟中宿。

〔一〕題右側原署「湓城集」三字。

廿二

早至禾城，候閭郡尊，值其入省，不晤。道遇朱辰，始得護城先生近問，知書兩復，自楚入都。東門肆中，製爐一具，午後，與德尹別。換鴨嘴船，西北風大作，頃刻抵平湖。德尹有寄桐城札并土物二種。入西門，候江村先生，適已發松江之櫂，相距半日。聞李辰山年來蓄書甚富，欲借閱其目。過西宮，亦不值。傍晚出城，泊弄珠樓下，沽酒獨酌，憶癸亥春夏之交，與徐淮江兩醉此樓；庚午初夏，復偕西峻宿此，閒情偶賦，狂態未除。俯仰十年間，郭匡山陡歿，沈南疑客游未返，地主寥寥，不獨舊游陳跡也。孤燈遙夜，百感人懷，三更睡始著，酒醒夢覺，日滿船窗，已出杉青閘矣。

禾中與德尹別

四海論（一）兄弟，何人似卯君？也知年向老，不合手頻分。夜夢留殘月，春帆感斷雲。得歸吾早決，負土共成墳。

〔一〕「論」，《敬業堂詩集》（以下簡稱「集」）作「皆」。

廿三

早，風利掛帆。午刻，至吳江，泊西門外八字橋，俗呼楊家橋，相傳常開平下平江，駐軍於此，又名安民橋。訪張弘蘧庶常，值其久病初起，相見驩甚，縱談別後事。晚招吳顯令漢槎弟共飲。前和答吳超士四時詩屬弘兄轉致。黃昏下船。邑侯某自封印後二十日中，連杖斃八人，致激民變，罷市三日，今挈印潛逃，不知何向，人情爲洶洶也。夜泊北門外，三更聞雷聲，俄，微雨，暴風陡作，桅纜盡斷，舟人驚駭，皆群起而譁，幸免覆溺。各船互相觸戛，震撼不寧，擁衾達旦不成寐。

吳江留別張弘蘧庶常

南風激船如釋箭，片帆曉發平湖縣。百六十里半日程，第四橋邊一相見。登牀（二）各話別中事，蒼狗浮雲凡幾變。三年善病君差強，君但憂貧不憂賤。我今落魄仍

〔一〕「登牀」，集作「開懷」。

江湖，明朝又欲西辭吳。酌君之酒與君別，楊柳_(一)拂頭雙鬢_(二)雪。

廿四

大風，泊吳江城外，自丑至申始息。

夾浦橋阻風

夾浦橋南客棹孤，雨聲連夜洗平蕪。北_(三)風吹淺吳江水，半作春潮漲太湖。

廿五

黎明，舟抵婁門。至韓慕廬先生處，問玉峰消息。即解維而東。大霧，辰刻，乃辨前路。午餘，抵崑山。先是，司寇公有授館之約，故來面辭，公將移居魏塘，擇於今晚發櫂，

〔一〕「柳」，集作「花」。

〔二〕「雙鬢」，集作「鬢雙」。

〔三〕「北」，集作「東」。

相留同行。遇常熟邵玉符，寄札與錢玉友。夜飲藝初北園，同席者如皋石五中，吳江陳穎長，虞山黃子鴻、邵玉符，毘陵莊寅三。二鼓下船，隨司寇公舟出城，枕上聞雨。

廿六

雨中並發，漸後，過司寇舟中話別，贈贐，有札寄飲光先生，并屬覓九江郡志、廬山舊志二種。至沙湖，我舟冒風先行，午至蘇州。入齊門，問呂彤文家信，但傳語報平安耳。

浚義舟中書所見〔一〕

嗟爾徒誇人力工，屋茅捲地似飛蓬。鵲巢狡獪能高踞，偏在枝顛不怕風。

再進閭門，買小碎物件。放船至山塘，天色陰晦，謂已薄暮，及開霽，日未下舂也。以風逆，不前。

〔一〕此詩集中未收。

山塘晚霽

最好停橈近酒家，放晴天氣日初斜。
盆梅謝後蘭芽茁，正月蜂聲未鬧花。

獨游虎丘寺〔一〕

不記春山幾度登，亂泉疏樹一層層。
獨來對石兩無語，偶爾趁人如得朋。
屐齒靜聽高處響，欄干留待倦時凭。
三生似夢遽然覺，又作匡廬行脚僧。
時余將往九江。

廿七

早出關，至望亭，遇兩江總督船，云往蘇州查藩庫也。至無錫，逆風暴漲。過缸尖二里，入支港，西行，又七里，莎橋泊。

〔一〕此詩集中未收。

廿八

平明發舟。自吳江以北，連日皆遇石尤，今朝風稍順，而港小橋低，帆不得掛，三十里，張舍，尾屋百餘家，鄉僻一聚落也。又前十餘里，水漸廣，乃張帆行，然河形屈曲，時掛時卸，頗不得風力。二十里，分水墩，人烟稠密，倍於張舍。從此以往，風色到帆。三十里，官在渡。南行，風又逆。有繹路，村船多載蘆柴，去涸湖當不遠。又十里，吳橋鎮。又三十里，宜興縣。曠黑，泊東門外。欲訪蔣京少，不果。

荆溪雜詠〔一〕

採茶攜妓有新詩，太守風流憶盛時。
惆悵我來春較淺，窯煙青過牧之陂。
學士南遷白首還，買田陽羨分真慳。
杜鵑枝上杜鵑鳥，叫得吳山名蜀山。
蜀山有東坡書院，山以先生得名也。

宜壺一具值千緡，雅製爭誇妙絕倫。
誰與龔春傳手技，大彬沒後更無人。

〔一〕此詩集中未收。

虎丘寺之惠山寺，補綴亭臺便幾多。較是雙溪風俗好，不裝游舫載笙歌。

廿九

早過西泚，水面約寬二十餘里。蜀山在東南，山下居人多以陶甓爲業。相距尚遠，余舟指西行，過南澗，入支河，舟人指其地名娉田。疑當作「泖練」，乃土音之譌也。記得《陳其年集》有《雨泊泖練》詞，調寄「夏初臨」，不知即此地否。十里，徐舍，長橋跨水，沿溪老柳皆合圍，新綠依依可愛。

曉渡西泚回望宜興縣郭

櫓聲西入蝦籠嘴，波面微微過泚風。濃日吐烟烟吐樹，樹頭（一）一塔（三）是城東。蝦籠嘴，西泚港名。

又三十里，渡濟橋，橋南有伍大夫祠。十里，溧陽縣。與宋梅知楚南一別，不見十三

〔一〕「樹頭」，集作「浮圖」。

〔三〕「塔」，集作「角」。